

ხელშეკრულება N 03-01/27 ე.ტ
სახელმწიფო შესყიდვების შესახებ

ქ.ბათუმი

2 მარტი 2017 წელი

ერთის მხრივ სსიპ აჭარის ა.რ. საზოგადოებრივი ჯანდაცვის ცენტრი, მისი დირექტორის ნინო ნიჟარაძის სახით (შემდგომში "შემსყიდველი") ხოლო მეორეს მხრივ სს „საზღვაო ჰოსპიტალი“ მისი დირექტორის მინდია სურმანიძის სახით (შემდგომში "მიმწოდებელი") ელექტრონული ტენდერის ჩატარების შედეგად (სატენდერო განცხადება **SPA170000029**) კლასიფიკატორის (CPV) კოდი- **85140000**) „გამარტივებული ელექტრონული ტენდერისა და ელექტრონული ტენდერის ჩატარების წესის „სახელმწიფო შესყიდვების სააგენტოს თავჯდომარის 2011 წლის 7 აპრილის N9 ბრძანების მე-15 მუხლის მე-2 პუნქტის შესაბამისად ვდებთ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვების შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას თვეს.

2. შესყიდვის ობიექტი

- 2.1 . მიმწოდებელი ვალდებულია ღონისძიების –” კიბოსა და კიბოსწინა დაავადებების ადრეული დიაგნოსტიკა მაღალმთიანი აჭარის მოსახლეობაში” ფარგლებში განახორციელოს აჭარის ავტონომიური რესპუბლიკის მაღალმთიანი რეგიონის

მოსახლეობის სამედიცინო-პროფილაქტიკური გასინჯვები კიბოსა და კიბოსწინა დაავადებათა ადრეული გამოვლენის მიზნით. კერძოდ:

ა) რადიოლოგის მიერ ექოსკოპიური გამოკვლევა, ონკოლოგის კონსულტაცია

რადიოლოგის მიერ ექოსკოპიური გამოკვლევა (ფარისებრი ჯირკვლის ექოსკოპია, მუცლის ღრუს ორგანოების, შარდგამომყოფი სისტემის, მცირე მენჯის ღრუს ექოსკოპია), ონკოლოგის კონსულტაცია ჩაუტარდება ყველა მომართულ ბენეფიციარს (1 ვიზიტის ბენეფიციართა რაოდენობა შეადგენს არანაკლებ 40-ს), წლის განმავლობაში ბენეფიციართა რაოდენობა შეადგენს არანაკლებ 1600-ს.

ბ) პირველადი დიაგნოზის დაზუსტების მიზნით საჭიროების შემთხვევაში:

ონკოგინეკოლოგის, ონკოუროლოგის, ონკოლარინგოლოგის კონსულტაცია,
სარძევე ჯირკვლის ექოსკოპია

საკვერცხის ონკომარკერი -CA-125

კუჭ-ნაწლავის ტრაქტის ონკომარკერი -CA-19-9

პროსტატ სპეციფიური ანტიგენი - PSA-ს განსაზღვრა

კარცინომბრიონალური ანტიგენი - CEA

ციტოლოგიური გამოკვლევა -PAP ტესტი

თითოეული სახის სამედიცინო მომსახურება ჩაუტარდება ბენეფიციართა არანაკლებ 20%-ს.

გ) სამედიცინო მომსახურება განხორციელდება აჭარის ავტონომიური რესპუბლიკის ტერიტორიაზე, ადმინისტრაციულ-ტერიტორიული ერთეულების (ქედა, შუახევი, ხულო) მიხედვით პირველადი ჯანდაცვის ცენტრების დონეზე.

დ) ღონისძიებით წლის განმავლობაში გათვალისწინებულია სულ 40 ვიზიტი, ქედის მუნიციპალიტეტში-12, შუახევის მუნიციპალიტეტში-12, ხულოს მუნიციპალიტეტში-16.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს 55 998 (ორმოცდათხუთმეტიათას ცხრაასოთხმოცდაცხრამეტი) ლარს

3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ხელშეკრულების შესრულების კონტროლი

4.1 შემსყიდველს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი მიმწოდებლის მიერ ნაკისრი ვალდებულებების შესრულებაზე.

4.2 "მიმწოდებელი" ვალდებულია საკუთარი რესურსებით უზრუნველყოს "შემსყიდველი" კონტროლის ჩატარებისთვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი

კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს გამოვლენილი ყველა დეფექტის ან ნაკლის აღმოფხვრა, გამოვლენილი ხარვეზის გამოსწორება და კონტროლის ხელახლა განხორციელებასთან დაკავშირებული ხარჯების ანაზღაურება,

4.4 ამ მუხლის არც ერთი პუნქტი არ ათავისუფლებს "მიმწოდებელს" მოცემული ხელშეკრულების სხვა ვალდებულებებისგან.

4.5 "მიმწოდებლის" მიერ ხელშეკრულებით ნაკისრი ვალდებულებების შესრულების კონტროლს განხორციელებს შემსყიდველის მიერ განსაზღვრული ჯგუფი.

4.6 "მიმწოდებელი" ვალდებულია "შემსყიდველს" ეტაპობრივად (ყოველთვიურად) წარმოუდგინოს გეგმის სახით წერილობითი ინფორმაცია მომდევნო პერიოდში ღონისძიებით განსაზღვრული მომსახურების განხორციელების შესახებ მუნიციპალიტეტების მიხედვით.

5. მომსახურების მიწოდების პირობებები

5.1 მომსახურება უნდა განხორციელდეს ხელშეკრულების გაფორმებიდან 2017 წლის 15 დეკემბრის ჩათვლით ქედის, შუახევისა და ხულოს მუნიციპალიტეტების ტერიტორიაზე გეგმა-გრაფიკის დაცვით:

გეგმა-გრაფიკი					
მომსახურების გაწევის პერიოდი	მარტი	აპრილი, მაისი, ივნისი	ივლისი, აგვისტო, სექტემბერი	ოქტომბერი, ნოემბერი, დეკემბერი	
ვიზიტების რაოდენობა (ჯამურად)	არანაკლებ ვიზიტისა 2	არანაკლებ ვიზიტისა 12	არანაკლებ ვიზიტისა 12	არანაკლებ ვიზიტისა 14	

5.2 საანგარიშო პერიოდად განისაზღვროს ყოველი თვის 20 რიცხვიდან მომდევნო თვის 20 რიცხვამდე პერიოდი, შესრულებული სამუშაოს შესახებ ანგარიშის წარდგენა განხორციელდეს ყოველი თვის არაუგვიანეს 23 რიცხვისა, ხოლო დეკემბრის თვეში არაუგვიანეს 18 დეკემბრისა.

6. შესყიდვის ობიექტის მიღება-ჩაბარების წესი

6.1. მიწოდებული მომსახურების მიღება-ჩაბარება განხორციელდება ეტაპობრივად "შემსყიდველის" და "მიმწოდებლის" უფლებამოსილი პირების მიერ.

6.2. მიღება-ჩაბარების აქტის გაფორმების საფუძველს წარმოადგენს ხელშეკრულების შესრულების კონტროლზე პასუხისმგებელი ჯგუფის დასკვნა და მიმწოდებლის მიერ წარმოდგენილი ანგარიშები გაწეული მომსახურების შესახებ.

6.3. მიღება-ჩაბარების აქტის გაფორმებასთან ერთად მიმწოდებელი ვალდებულია წარუდგინოს შემსყიდველს საქართველოს კანონმდებლობით გათვალისწინებული შესაბამისი პირველადი დოკუმენტაცია.

7. ანგარიშსწორება

7.1 ანგარიშსწორება მოხდება ლარებში.

7.2 გადახდის ფორმა - უნაღდო.

7.3 ანგარიშსწორების გრფიკი (მხარეთა შეთანხმებით) მხარეთა შორის მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) კალენდარული დღის ვადაში.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისთვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვის შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლების გადაცემა

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. სუბკონტრაქტები

10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის ან შეცვლის შესახებ (სუბ-კონტრაქტორ(ებ)ის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით.

10.2 მიმწოდებელმა უნდა წარმოადგინოს სუბ-კონტრაქტორ(ებ)თან (ასეთის არსებობის შემთხვევაში) სამართლებრივი ურთიერთობის დოკუმენტ(ებ)ი (ხელშეკრულება, შეთანხმება, სხვა ექვივალენტური დოკუმენტი).

10.3 სუბ-კონტრაქტორ(ებ)ი (ასეთის არსებობის შემთხვევაში) უნდა წარმოადგენდეს სამედიცინო მომსახურების მიმწოდებელ სამედიცინო დაწესებულებას.

10.4 სუბ-კონტრაქტორ(ებ)-ს უნდა გააჩნდეს მატერიალურ-ტექნიკური ბაზა, რომლის საშუალებითაც შესაძლებელი იქნება დიაგნოსტიკური გამოკვლევების ჩატარება კიბოსა და

კიბოსწინა დაავადებათა ადრეული გამოვლენის მიზნით: ექოსკოპი, ლაბორატორიული გამოკვლევების ჩატარება (საკვერცხის ონკომარკერი -CA-125, კუჭ-ნაწლავის ტრაქტის ონკომარკერი -CA-19-9, პროსტატ სპეციფიური ანტიგენი - PSA-ს განსაზღვრა, კარცინომებრიონალური ანტიგენი - CEA, ციტოლოგიური გამოკვლევა -PAP ტესტი). მიმწოდებელმა აღწერილობითი ხასიათის ინფორმაცია სუბ-კონტრაქტორ(ებ)-ის მატერიალურ-ტექნიკური ბაზის შესახებ უნდა წარმოადგინოს ტექსტის სახით, უფლებამოსილი პირის მიერ ხელმოწერილი და ბეჭედდასმული.

10.5 მიმწოდებელმა უნდა წარმოადგინოს უფლებამოსილი პირის მიერ ხელმოწერილი და ბეჭედდასმული ინფორმაცია სუბ-კონტრაქტორ(ებ)ის სპეციალისტთა მიერ უკანასკნელი სამი წლის განმავლობაში შესაბამისი მომსახურების მიწოდების გამოცდილების შესახებ;

10.6 ამ ხელშეკრულების ფარგლებში დადებული არც ერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისგან.

11. ხელშეკრულების პირობების შეუსრულებლობა

11.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისთვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით, ხოლო, თუ კი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.2%-ს.

11.2 ამ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხვრივად შეწყვიტოს ხელშეკრულება.

11.3 სახელშეკრულებო ვალდებულებების შეუსრულებლობის, ან არაჯეროვნად შესრულების შემთხვევაში, შემსრულებელს ეკისრება პირგასამტეხლო ხელშეკრულების ჯამური ღირებულების 5%-ის ოდენობით.

11.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

12. გარანტია

12.1 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

12.2 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილ დეფექტების გამოსწორებისათვის და მოსთხოვოს მომწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისთვის გადასახდელი თანხიდან.

13. ხელშეკრულების შეწყვეტა მისი პირობების შეუსრულებლობის გამო

13.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

13.3 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

13.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულობისათვის გათვალისწინებული პასუხისმგებლობისაგან.

13.5 "შემსყიდველს" შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) „მიმწოდებლის“ მიერ, მე-5 პუნქტის 5.1 ქვეპუნქტით დადგენილი გეგმა-გრაფიკის დარღვევის პირველივე შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) მიმწოდებლის გაკოტრების შემთხვევაში;

დ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება.

ე) საქართველოს კანონმდებლობით გათვალისწინებულ სხვა შემთხვევებში.

13.6 ამ მუხლის 13.5 პუნქტში მითითებულ შემთხვევებში შემსყიდველი ვალდებულია აუწყოს მიმწოდებელს ფაქტიურად მიღებული მომსახურების ღირებულება.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი

მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებლად იქნებიან ფორს-მაჟორული გარემოების ზეგავლენისგან.

15. სადაო საკითხების გადაწყვეტა

15.1 "შემსყიდველმა" და "მიმწოდებელმა" ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში "შემსყიდველი" და "მიმწოდებელი" ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

16. გამოყენებული სამართალი

16.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. ხელშეკრულების ენა

17.1 ხელშეკრულება დაწერილი უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისთვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა შეესაბამებოდეს აღნიშნულ პირობებს.

18. შეტყობინება

18.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

19. გადასახადები და დაბეგვრა

19.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლის და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლის და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რომ არ არის გათვალისწინებული.

20. ხელშეკრულების მოქმედების ვადა

20.1 წინამდებარე ხელშეკრულება ძალაშია ხელმოწერის დღიდან 2018 წლის 20 იანვრამდე.

21. სხვა პირობები

21.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარეს წერილობითი თანხმობის გარეშე.

21.2 მესამე პირთან ურთიერთობაში მხარეები მოქმედებენ თავიანთი სახელებით, ხარჯებითა და რისკით.

21.3 ხელშეკრულება შეადგენს ქართულ ენაზე, ორ ეგზემპლიარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.4 გამარჯვებულ პრედენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, როცა ის წერილობითი ფორმითაა შედგენილი და ხელმოწერილია მხარეთა მიერ.

მხარეთ იურიდიული მისამართები და რეკვიზიტები

„შემსყიდველი“

სსიპ აჭარის ავტონომიური რესპუბლიკის
საზოგადოებრივი ჯანდაცვის ცენტრი
საიდ.კოდი: 245428577
მისამართი ქ. ბათუმი
ვ. გორგასალის ქ. №141-143
ს/ს „ლიბერთი ბანკი“
ბანკის კოდი № **LBRTGE22**
ა/ა **GE88LB0121162303587000**

„მიმწოდებელი“

სს „საზღვაო ჰოსპიტალი“
საიდ.კოდი: 245442695
მისამართი ქ. ბათუმი
ქ. მელიქიშვილის 102 ბ
სს „რესპუბლიკა ბანკი“
ბანკის კოდი: **REPLGE22**
ა/ა **GE96BR0000010799528029**



პრეტენდენტის დასახელება - სს "საზღვაო ჰოსპიტალი"

სატენდერო წინადადების ფასი - 55 998 ლარი

ფასების ცხრილი

N	აღმისტრავებულ-ტერიტორიული ერთეული	სულ ვიზიტი	1 ვიზიტის ფასი	სულ ღირებულების ღირებულება (ლარი)
1	ქედა	12	1166.5	13,998
2	შუახევი	12	1300	15,600
3	ხულო	16	1650	26,400

პრეტენდენტის ხელმოწერა

სულ

55,998

